

新刊經進詳註昌黎先生文集

昌黎先生集卷第十八

書

與鳳翔邢尚書書

愈再拜布衣之士身居窮約不借勢於王公大人則無以成其志王公大人功業顯著不借譽於布衣之士則無以廣其名是故布衣之士雖甚賤而不諂王公大人雖甚貴而不驕其事勢相須其先後相資也今閣下爲王爪牙爲國藩垣威行如秋仁行如春戎狄棄甲而遠遁朝廷高枕而不虞是豈負大丈夫平生之志願哉豈負明天子非常之顧遇哉赫赫乎洸

洗乎功業逐日以新名聲隨風而流宜乎謹呼海隅
高談之士奔走天下慕義之人使或願馳一傳或願
操一戈納君於唐虞收地於河湟然而未至乎是者
蓋亦有說云豈非待士之道未甚厚遇士之禮未甚
優請粗言其事閣下試詳而聽之夫士之來也必有
求於閣下夫以貧賤而求於富貴正其宜也閣下之
財不可以徧施於天下在擇其人之賢愚而厚薄等
級之可也假如賢者至閣下乃一見之愚者至不得
見焉則賢者莫不至而愚者日遠矣假如愚者至閣
下以千金與之賢者至亦以千金與之則愚者莫不

至而賢者日遠矣欲求得士之道盡於此而已欲求
士之賢愚在於精鑒博采之而已精鑒於已固已得
其十七八矣又博采於人百無一二遺者焉若果能
是道愈見天下之竹帛不足書閣下之功德天下之
金石不足頌閣下之形容矣愈也布衣之士也生七
歲而讀書十三而能文二十五而擢第於春官以文
名於四方前古之興亡未嘗不經於心也當世之得
失未嘗不留於意也常以天下之安危在邊故六月
于邁來觀其師及至此都徘徊而不能去者誠悅閣
下之義願少立於堦墀之際望見君子之威儀也居

十日而不敢進者誠以左右無先爲容懼閣下以衆人視之則殺身不足以滅耻徒悔恨於無窮故先此書序其所以來之意閣下其無以爲狂而以禮進退之幸甚幸甚愈再拜

爲人求薦書

某聞木在山馬在肆遇之而不顧者雖日累千萬人未爲不材與下乘也及至匠石過之而不睨伯樂遇之而不顧然後知其非棟梁之材超逸之足也以某在公之宇下非一日而又辱居姻婭之後是生于匠石之園長于伯樂之廐者也於是而不得知假有見

知者千萬人亦何足云今幸賴天子每歲詔公卿大夫貢士若某等比咸得以薦聞是以冒進其說以累於執事亦不自量已然執事其知某如何哉昔人有鬻馬不售於市者知伯樂之善相也從而求之伯樂一顧價增三倍某與其事頗相類是故終始言之耳

應科目時與人書

月日愈再拜天池之濱大江之濱曰有怪物焉蓋非常鱗凡介之品彙匹儔也其得水變化風雨上下于天不難也其不及水蓋尋常尺寸之間耳無高山大陵曠途絕險爲之關隔也然其窮涸不能自致乎水

爲獮獵之笑者蓋十八九矣如有力者哀其窮而運轉之蓋一舉手一投足之勞也然是物也負其異於衆也且曰爛死於沙泥吾寧樂之若俛首帖耳搖尾而乞憐者非我之志也是以有力者遇之熟視之若無睹也其死其生固不可知也今又有有力者當其前矣聊試仰首一鳴號焉庸詎知有力者不哀其窮而忘一舉手一投足之勞而轉之清波乎其哀之命也其不哀之命也知其在命而且鳴號之者亦命也愈今者實有類於是是以忘其踈愚之罪而有是說焉悶下其亦憐察之

荅劉正夫書

愈白進士劉君足下辱牋教以所不及旣荷厚賜且愧其誠然幸甚幸甚凡舉進士者於先進之門何所不往先進之於後輩苟見其至寧可以不荅其意邪來者則接之舉城士大夫莫不皆然而愈不幸獨有接後輩名名之所存謗之所歸也有來問者不敢不以誠荅或問爲文宜何師必謹對曰宜師古聖賢人曰古聖賢人所爲書具有辭皆不同宜何師必謹對曰師其意不師其辭又問曰文宜易宜難必謹對曰無難易惟其是爾如是而已非固開其爲此而禁其

爲彼也夫百物朝夕所見者人皆不注視也及覩其異者則共觀而言之夫文豈異於是乎漢朝人莫不能爲文獨司馬相如太史公劉向揚雄爲之最然則用功深者其收名也遠若皆與世沈浮不自樹立雖不爲當時所怪亦必無後世之傳也足下家中百物皆賴而用也然其所珍愛者必非常物夫君子之於文豈異於是乎今後進之爲文能深探而力取之以古聖賢人爲法者雖未必皆是要若有司馬相如太史公劉向揚雄之徒出必自於此不自於循常之徒也若聖人之道不用文則已用則必尚其能者能者

非他能自樹立不因循者是也有文字來誰不爲文然其存於今者必其能者也顧常以此爲說耳愈於足下忝同道而先進者又常從遊於賢尊給事旣辱厚賜又安得不進其所有以爲荅也足下以爲何如愈白

荅殷侍御書

某月日愈頓首辱賜書周覽累日竦然增敬蹙然汗出以慙愈於進士中粗爲知讀經書者一來應舉事隨日生雖欲加功竟無其暇遊從之類相熟相同不教不學悶然不見已闕日失月亡以至於老所謂無

以自別於常人者每逢學士真儒歎息踖踖愧生於中顏變於外不復自比於人前者蒙示新注公羊春秋又聞口授指略私心喜幸恨遭逢之晚願盡傳其學職事羈纏未得繼請怠惰因循不能自彊此宜在擯而不教者今反謂少知根本其辭章近古可令叙所注書惠出非望承命反側善誘不倦斯爲多方敢不喻所指八月益涼時得休假儻矜其拘綴不得走請務道之傳而賜辱臨執經座下獲卒所聞是爲大幸況近世公羊學幾絕何氏注外不見他書聖經賢傳屏而不省要妙之義無自而尋非先生好之樂之

味於衆人之所不味務張而明之其孰能勤勤綷綷
若此之至固鄙心之所最急者如遂蒙開釋章分句
斷其心曉然直使序所注挂名經端自託不腐其又
奚辭將惟先生所以命愈再拜

荅陳商書

愈白辱惠書語高而旨深三四讀尚不能通曉茫然
增愧赧又不以其淺弊無過人知識且喻以所守幸
甚愈敢不吐情實然自識其不足補吾子所須也齊
王好竽有求仕於齊者操瑟而往立王之門三年不
得入叱曰吾瑟鼓之能使鬼神上下吾鼓瑟合軒轅

氏之律呂客罵之曰王好竽而子鼓瑟雖工如王不好何是所謂工於瑟而不工於求齊也今舉進士於此世求祿利行道於此世而爲文必使一世人不好得無與操瑟立齊門者比歟文雖工不利於求求不得則怒且怨不知君子必爾爲不也故區區之心每有來訪者皆有意於不肖者也略不辭讓遂盡言之惟吾子諒察愈白

與孟尚書書

愈白行官自南迴過吉州得吾兄二十四日手書數番忻悚兼至未審入秋來眠食何似伏惟萬福來示云

有人傳愈近少信奉釋氏此傳之者妄也潮州時有一老僧號大顛頗聰明識道理遠地無可與語者故自山召至州郭留十數日實能外形骸以理自勝不爲事物侵亂與之語雖不盡解要自胸中無滯礙以爲難得因與來往及祭神至海上遂造其廬及來袁州留衣服爲別乃人之情非崇信其法求福田利益也孔子云丘之禱父矣凡君子行己立身自有法度聖賢事業具在方冊可效可師仰不愧天俯不愧人內不愧心積善積惡殃慶自各以其類至何有去聖人之道捨先王之法而從夷狄之教以求福利也詩

不云乎。豈弟君子求福不回。傳又曰。不爲威惕。不爲利疚。假如釋氏能與人爲禍。崇非守道君子之所懼也。況萬萬無此理。且彼佛者。果何人哉。其行事類君子邪。小人邪。若君子也。必不妄加禍於守道之人。如小人也。其身已死。其鬼不靈。天地神祇昭布森列。非可誣也。又肯令其鬼行賈臆作威福於其間哉。進退無所據而信奉之。亦且惑矣。且愈不助釋氏而排之者。其亦有說。孟子云。今天下不之楊。則之墨。楊墨交亂。而聖賢之道不明。則三綱淪而九法斁。禮樂崩而夷狄橫。幾何其不爲禽獸也。故曰。能言拒楊墨者。皆

聖人之徒也。揚子雲云：古者楊墨塞路，孟子辭而闢之，廓如也。夫揚墨行正道廢，且將數百年，以至於秦，卒滅先王之法，燒除其經坑殺學士，天下遂大亂。及秦滅漢興，且百年，尚未知脩明先王之道。其后始除挾書之律，稍求亡書，招學士，經雖少得，尚皆殘闕，十亡二三。故學士多老死，新者不見，全經不能盡知。先王之事，各以所見爲守，分離乖隔，不合不公。二帝三王羣聖人之道，於是大壞。後之學者，無所尋逐，以至於今泯泯也。其禍出於楊墨肆行而莫之禁故也。孟子雖賢聖，不得位，空言無施，雖切何補？然賴其言而

今學者尚知宗孔氏崇仁義貴王賤霸而已其大經
大法皆亡滅而不救壞爛而不收所謂存十一於千
百安在其能廓如也然向無孟氏則皆服左袵而言
侏離矣故愈嘗推尊孟氏以爲功不在禹下者爲此
也漢氏已來羣儒區區脩補百孔千瘡隨亂隨失其
危如一髮引千鈞縣縣延延瀕以微滅於是時也而
唱釋老於其間鼓天下之衆而從之嗚呼其亦不仁
甚矣釋老之害過於楊墨韓愈之賢不及孟子孟子
不能救之於未亡之前而韓愈乃欲全之於已壞之
後嗚呼其亦不量其力且見其身之危莫之救以死

也雖然使其道由愈而粗傳雖滅死萬萬無恨天地鬼神臨之在上質之在傍又安得因一挫折自毀其道以從於邪也籍湜輩雖屢指教不知果能不叛去否辱吾兄眷厚而不獲承命惟增慙懼死罪死罪愈再拜

荅呂鑒山人書

愈白惠書責以不能如信陵執轡者夫信陵戰國公子欲以取士聲勢傾天下而然耳如僕者自度若世無孔子不當在弟子之列以吾子始自山出有朴茂之美意恐未龔磨以世事又自周後文弊百子爲書

各自名家亂聖人之宗後生習傳雜而不貫故設問以觀吾子其已成熟乎將以爲友也其未成熟邪將以講去其非而趨是耳不如六國公子有市於道者也方今天下入仕惟以進士明經及卿大夫之世耳其人率皆習熟時俗工於語言識形勢善候人主意故天下靡靡日入於衰壞恐不復振起務欲進足下趨死不顧利害去就之人於朝以爭救之耳非謂當今公卿間無足下輩文學知識也不得以信陵比然足下衣破衣繫麻鞋率然叩吾門吾待足下雖未盡賓主之道不可謂無意者足下行天下得此於人蓋

寡乃遂能責不足於我此真僕所汲汲求者議雖未
中節其不肯阿曲以事人者灼灼明矣方將坐足下
三浴而三熏之聽僕之所爲少安無躁愈頓首

荅渝州李使君書

乖隔年多不獲數附書狀慕仰風味未嘗敢忘便至
連辱兩書告以恩情迫切不自聊賴重序河南事跡
本末文字網密典實可尋而推究之明萬萬無一可
疑者欽想所爲益深勤企豈以愈爲粗有知識可
語以心而告之急哉是比數愈於人而收之何幸之
大也愈雖無節槩知感激若使在形勢親狎於要路

有言可信之望雖百悔吝不敢默默今既無由緣進
言言之恐益累高明是以負所期待竊竊轉語於人
不見成效此愈之罪也然不敢去心期之無已以報
見待惟且遲之勿遽捐罷幸甚莊子云知其無可奈
何而安之若命者聖也傳曰君子俟命然無所補益
進其厭飫者祇增愧耳良務寬大愈再拜

荅元侍御書

九月五日愈頓首微之足下前歲辱書論甄逢父濟
識安祿山必反即詐為暗棄去祿山反有名號又逼
致之濟死執不起卒不污祿山父子事又論逢知讀

書刻身立行勤已取足不干州縣片其餘以救人之
急足下繇是與之交欲令逢父子名迹存諸史氏足
下以抗直喜立事片不得立朝失所不自悔喜事益
堅微之乎子真安而樂之者謹詳足下所論載校之
史法若濟者固當得附書今逢又能行身幸於方州
大臣以標白其先人事載之天下耳目徹之天子追
爵其父第四品赫然驚人逢與其父俱當得書矣濟
逢父子自吾人發春秋美君子樂道人之善夫苟能
樂道人之善則天下皆去惡爲善善人得其所其功
實大足下與濟父子俱宜牽聯得書足下勉逢令終

始其躬而足下年尚彊嗣德有繼將大書特書屢書
不一書而已也愈既承命又執筆以俟愈再拜

昌黎先生集卷第十八

新刊經進詳補註昌黎先生文集卷第十

書七首 序八首

與鄭餘慶相公書

言賻孟郊事餘慶以節興興元軍奏郊
為參謀郊挈其家行之節興元次下號州
閬鄉暴疾卒買棺以歛與歸葬于東都
郊素貧餘慶以幣如孟氏賻且遣使來
商其家事故谷以此書公時為考功郎
中補郎鄭氏兄弟謂郊之妻兄弟也余
娶為興元尹奏郊為參謀試大理評事
挈其妻行之興元次閬鄉暴卒元和九
年八月葬以十月費皆出鄭相及郊書
所往還者以其余財賻給其家云

再奉示問皆緣孟家事辭旨惻惻憂慮深遠
有以見大人君子篤於仁愛終始不倦代
讀感

欵不知所喻舊與孟往還數人昨已共致百千
已來尋已至東都計供葬事外尚有餘資今裴
押衙所送二百七十千足以益業為遺孀永久
之賴孟氏兄弟在江東鄭弟鄴鄧
時在湖州未至先與相
識亦甚循善所慮才幹不足任事鄭氏兄弟鄭氏
配也惟最小者在東都固如所示不可依仗孟
氏深友太子舍人樊宗師比持服在東都今已
外除經營孟家事不啻如已前後人所與及裴
押衙所送錢物並委樊舍人主之營致生業必
能不失利宜候孟氏兄弟到分付成事庶可靜

守無大闕敗伏惟不至遠憂續具一一咨報不
宣愈再拜

與素滋相公書

唐史素滋字德深蔡州即山人憲宗即位拜為相
尹鄭相書云孟之深友太子舍人樊宗師以持服在東都今已外除而此書云前太子舍人豈其年紹述服除後公薦於素邪然紹述未嘗為素客獨公和鄭相山南詩云樊子坐賓署則知樊嘗依鄭于興元矣

伏聞賓位尚有關負幸蒙不以常輩知遇恒不自知愚且賤思有論薦竊見朝議郎前太子舍人

宗師

樊澤之子宗師字紹述有墓銘在集

孝友聰明家故饒

財身居長嫡悉推與諸弟

一疊諸弟字

皆優贍有餘

而宗師妻子常寒露飢餒宗師怡然處之無有
難色窮究經史章通句解至於陰陽軍法聲律
悉皆研極原本又善爲文章辭句刻深獨追古
作者爲徒不顧世俗輕重通微曉事可與一作以
晤語又習於吏職識時知變非如儒生文士止
有偏長退勇守專未爲宰物者所識年近五十
遑遑勉勉思有所試閣下儻引而致之密加識
察有少不如所言愈爲欺罔大君子便宜得棄
絕之罪於門下誠不忍竒寶橫棄道側而閣下

篋櫝尚有少闕不滿之處猶足更容輒冒言之
退增汗懾謹狀

與鄂州柳公綽中丞書

公綽字寬夫京兆華原人憲宗時徙鄂
岳觀察使時方討吳元濟詔發鄂岳卒
五千隸安州刺史李聽公綽曰朝廷謂
吾儒生不足知兵耶即請自行許之引
兵度江然安州驍負以軍禮迎謁公綽
曰公所以屬鞬負弩豈非兵事耶若襁
我容則兩郡守亦何所縱壹哉以公世
將曉兵吾且署職以兵法從事聽曰惟
命即以都知兵馬使中軍先鋒行營都
虞候三牒授之選兵六千屬焉戒諸校
曰行營事一決都將聽被用畏或遂盡
力當時服其知權軍出公綽數自問其
知家生死厚給之知軍中感服曰中丞為我
知家事敢不死戰故鄂岳軍每戰輒克

後公綽卒被讒為李道古代還不預平
蔡借夫爾公綽斬馬祭死士王在罪

岳時而柳氏叙訓新舊
傳以為在襄陽時誤矣

淮右殘孽尚守窟巢

元濟有申光蔡三州
據淮水之右孽庶子也環

寇之師殆且十萬瞋目語難

一作難語莊子曰
劍士瞋目而語難

注云勇者憤然
語齊難遊也

自以為武人不肯循法度頡頏

作氣勢竊爵位自尊大者肩相磨地相屬也不

聞有一人援桴鼓誓衆而前者但月

一作令走

馬來求賞給助寇為聲勢而已閣下書生也詩

書禮樂是習仁義是修

左傳卻縠閱禮樂而敦
詩書義之府禮樂德之

則也使

將上軍法度是束一旦去文就武鼓三軍而進

之陳師鞠旅親與為辛苦慷慨感激同食下卒

將二州之牧以壯士氣斬所乘馬以祭蹠死之

士蹠蹠也徒初切莊子曰怒則分背相蹠溫公云柳氏叙訓曰公為襄陽節度使有名馬人

爭盡為圖國人索其尾被蹠致斃命斬於鞠場

賓吏請曰圍人備之不至良馬可惜公曰有良

馬之自合驚馬之性必殺之按愈與公綽書殺

馬乃在罪岳時叙訓舊傳皆誤也新史承之亦

誤按公綽為郭岳在元和九年為襄陽長慶三年

雖古名將何以加茲此由天資忠孝鬱於中而大作於外動皆中於

機會以取勝於當世而為戎臣師豈常習於威

暴之事而樂其戰鬪之危也哉愈誠怯弱不適

於用聽於下風

莊子孔子曰竊侍於竊自增氣下風幸聞咳唾之音

誇於中朝稠人廣眾會集之中

稠人多也漢灌夫稠人廣眾寵薦

下所以羞武夫之顏令議者知將國兵而為人

之司命者

孫子兵法曰將者國之司命安危之卒也

不在彼而在此

也臨敵重慎誠輕出入良用自愛以副見慕之

徒之心而果為國立大功也幸甚幸甚不宣愈

再拜

再答柳中丞書

愈愚不能量事勢可否比常念淮右以靡弊困

頓三州之地

靡散也音縻

蚊蚋蟻蟲之聚感况堅煦

濡飲食之惠提童子之手坐之堂上奉以為帥

元亮謂吳少陽也元和九年少陽死子元亮不發喪以病聞有董重質者勇悍善兵乃表請

元音主發音餘吏音於禁出死力以抗逆明詔戰天下

之兵乘機逐利四出侵暴屠燒縣邑賊殺不辜

環其地數千里莫不被其毒洛汝荆襄許潁淮

江爲之騷然丞相公卿士大夫勞於國一作議

握兵之將熊羆驅虎之士畏懦蹙縮莫肯杖戈

爲士卒前行戶剛獨閣下能奮然率先揚兵界

上將二州之守親出入行間與士卒均辛苦生

其氣勢見將軍之鋒穎凜然有向敵之意用儒

雅文字章句之業取先天下武夫關一作其口

而奪之氣愚初聞時方食不覺棄匕箸起立豈
以爲閣下真能引孤軍單進與死寇角逐爭一
旦僥倖之利哉就令如是亦不足貴其所以服
人心在行事適機宜而風采可畏愛故也是以
前狀輒述鄙誠眷惠手翰還荅益增忻悚夫一
衆人心力耳目使所至如時雨三代用師不出
是道荀子曰仁人之兵若時雨之降莫不喜說閣下果能充其言繼
之以無倦得形便之地甲兵足用雖國家故所
失地旬歲可坐而得況此此一字無小寇安足置齒
牙間勉而卒之以俟其至幸甚幸甚夫遠徵軍

士行者有羈旅離別之思居者有怨曠騷動之
憂本軍有饋餉煩費之難地主多姑息形迹之
患急之則怨緩之則不用命浮寄孤懸形勢銷
弱又與賊不相諳委臨敵恐駭難以有功若召
募土人必得豪勇與賊相熟知其氣力所極無
望風之驚愛護鄉里勇於自戰徵兵滿萬不如
召募數千

裴度

詳見公論淮西事宜狀矣中丞

奏進取策多合上旨進刑侍元和十年五月也
其後討蔡不利羣臣爭且罷兵獨公與度意合
獻淮西事宜宰相惡之自中舍降右庶子十一
年五月也十二年八月三日卒從度于蔡十二
月執元濟以獻淮西遂平公綽則被讒十一
年為李道古代還矣平蔡之功不與焉惜夫

下以為何如儻可上聞行之可字有否計已與裴中丞度相見行營事宜不惜時賜示及幸甚不宣愈再拜

荅魏博田弘正僕射書

唐史田弘正字安道憲宗時以檢校工部尚書充魏博節度使事見田氏廟碑
關註洪正始名興為魏博節度使田季安之兵馬使元和七年八月季安卒其子懷諫自立委政家奴蔣士則衆乃推弘正主平洪正因約將士獻魏博具衛
澶相之地憲宗美其誠詔檢校工尚充魏博節度使賜今名

季冬極寒伏惟僕射尊體動止萬福即日愈蒙恩改職事不任感懼使至奉十一月十二日示

問欣慰殊深贊善十一郎行已曾附狀伏計尋上
達愈雖未獲拜識嘗承僕射眷私猥辱薦聞待
之上介事雖不允受賜實多頃者又蒙不以文
字鄙薄令譔廟碑見遇殊常荷德尤切安有書
問稍簡遂敢自踈比所與楊書記書蓋緣久闕
附狀求因閑一作間粗述下情忽奉累帑示問辭
意重疊捧讀再三但增慙悚僕射公忠賢德爲
內外所宗位望益尊謙巽滋甚謬承知遇欣荷
實深伏望照察限以官守拜奉未由無任馳戀
謹因使迴奉狀不宣謹狀

與華州李尚書書

唐史李絳字深之元和六年為相十年出為華州刺史於公為同年友一作李實非備絳元和六年十一月自戶部拜相尋以足疾求免九年罷為禮尚十年二月為華守公時以考功郎中知制誥故有宿直舍之語絳碩德大且公同年故其相好如此

日

一作比

來不審尊體動止何似乍離闕庭伏計

倍增戀慕愈於夙故游從之中伏蒙恩獎知待

最深最厚無有比者

一作倫

懦弱昏塞不能奮勵

出奇少荅所遇拜辭之後竊念旬朔不即獲侍

言笑東望殞涕有兒女之感獨宿直舍

公時為中書舍

人無可告語展轉歎歎不能自禁華州雖實百
郡之首重於藩維然閣下居之則爲失所愚以
謂苟慮有所及宜密以上聞不宜以疎外自待
接過客俗子絕口不掛時事務爲崇深以拒止
嫉妬之口親近藥物方書動作步趨以致和宣
滯爲國自愛副鄙陋拳拳之心幸甚幸甚謹奉
狀不宣

謹狀愈再拜

荅友人論京尹不臺叅書

穆宗時李紳爲左拾遺翰林學士及牛僧孺輔政懼紳居禁近用事顧其氣剛
下易疲累而韓愈勁直乃以紳爲御史中丞愈爲京兆尹兼御史大夫免臺叅

子

三

以激紳反紳愈果不相下更持臺府故事

論詰紳反紳愈果不相下更持臺府故事

傳又云紳果効愈愈然由是皆罷之公李

刺紛然宰相以臺府不協遂罷愈為兵

部侍郎而復為吏部侍郎觀察使紳見帝得

留愈亦復為吏部侍郎改京兆尹御史大

年六月自吏部侍郎改京兆尹御史大

夫時宰相惡中丞李紳欲逐之持詔公

不臺參少激紳紳果効奏公公以詔自

解正元十八年公為四門博士薦紳及

疾喜等為尚書舉後効之崔洪薦却詵為

左丞號後効之紳所以示公也

言世亦未有辯之者反謂公覺紳以附

李逢吉獨王黃州咎丁晉公書以為曲

所示情眷之至不勝悚荷臺參實奏云容桂觀

察使

使

無

帶中丞尚不臺叅京

一作京

尹

郡國

尹郡國

之首所管神州赤縣官帶大夫豈得却不如事

須臺叅

唐志御史臺大夫一人掌糾

正百官中丞二人爲之貳

亦是

何典

故亦

令尚

與中

丞分

道而

行何

况京

尹聖

恩以

爲然

便令

宣與

李紳

不用

臺叅夫人見近事習

耳目所熟稍殊異即怪之其於一作其道理有何

所傷聖君使行即是故事自古豈有定制也停

推巡御史府有東巡西推左右巡緣府中褊迫是實若別差人

即是妄說豈有此事小人言不可信類如此亦

在大賢斟酌而斷之流言止於智者出荀子正

大略篇正

謂此耳客多不及自修報

王元之嘗答丁謂公書云謂韓吏部不當

責陽城不諫小事不當與李紳爭臺參以謂不存遠大者吾曰退之皆是也夫守道不如守官春秋之義也今不仕則已仕則舉其職舜作漆器諫者不止君豈有明于舜乎事豈有小于漆器乎蓋塞其漸也退之為尹京北兼御史大夫不臺參蓋唐初制也故退之引桂管中丞得免臺參以自解則曲在紳矣退之伏惟照察可謂當官而行何強之有也

送陸欽州序

陸參已見哭楊兵部疑陸欽州參詩欽音失涉切補註參以其年四月二十八

日辛于道見李習之陸欽州述

貞元十八年二月十八日祠部員外郎陸君出

刺欽州朝廷夙夜之賢都邑游居從一作之良齋

咨涕洟

易華卦之文齋音躋
嘆辭也洟音夷鼻液

咸以爲不當去歟

大州也刺史尊官也由郎官而往者前後相望也當今賦出於天下江南居十九宣使之所察歟爲富州宰臣之所薦聞天子之所選用其不輕而重也較然矣如是而齋咨涕洟以爲不當去者陸君之道行乎朝廷則天下望其賜刺一州則專而不能或一作咸謂先一州而後天下豈吾君與吾相之心哉於是昌黎韓愈道願留者之心而泄其思作詩曰

我衣之美

華一作

今我佩之光陸君之去兮誰與

郭翔歛此大惠今施于一州今其去兮一作胡
不為留我作此詩歌于達道無疾其驅天子有
詔

送孟東野序

時郊為宣州溧陽尉宣州屬江南道故
序云役於江南正元十九年也公時為
四門博士備註公此序論唐人文首稱
陳子昂而為郊詩亦云子昂始高蹈詩
序之意一也漢四百年文章司馬相如
為之唱唐三百年子昂為之唱公於文
章少所推可每論漢唐必以一錢何哉不
首獨史氏毀子昂不直一錢何哉不
謂其說武氏與明堂太學為右訕侮
獨不見孟子陳其說於戰國歟蘇元
李杜各有傳白亦蜀人舊史以為山
人新傳謂其生於蜀巴西白上安州

長史書云見鄉人大事雲夢遂來觀焉
則白為蜀人也明矣又有閭丘均仲子
陵亦蜀人為益人以文名景龍中起家
為太常博士子陵好古學合峨眉山大
晉間舉賢良方正擢太常博士久之典
黔中選補乘傳過家西人榮之終司門
郎

大凡物不得其平則鳴草木之無聲風撓之鳴
水之無聲風蕩之鳴其躍也或激之其趨也或
梗之其沸也或炙之金石之無聲或擊之鳴人
之於言也亦然有不得已者而後言其詞也有
思其哭也有懷凡出乎口而為聲者其皆有弗
平者乎樂也者鬱於中而泄於外者也擇其善

鳴者而假之鳴金石絲竹匏土革木八者物之

善鳴者也

前漢志八音金曰鐘石曰磬然曰絃匏曰笙土曰壎革曰鼓木曰

祝維天之於時也亦然擇其善鳴者而假之鳴

是故以鳥鳴春以雷鳴夏以蟲鳴秋以風鳴冬

四時之相推奪

一作頽音同

其必有不得其平者乎

王子思詩話在心為志發言為詩言之不足故嗟嘆之夫齊嗟氣嘆疏而至於感傷其中有不

能已已者英雄而不得盡其才賢智而不得發其蘊或負惜抱擊武流寓羈窮覽事驚心撫時

寄意於是發為聲詩或歌詠前人之作酒後為鳥

輕感慨文章尤忌數悲哀然而幽憂孤憤蟠結

抑鬱如韓退之所謂不得其平而鳴者其詞豈

能盡和樂

其於人也亦然人聲之精者為言文

平易哉

辭之於言又其精也尤擇其善鳴者而假之鳴

其在於唐虞各陶禹其善鳴者也而假之一字無

以鳴皋陶以謠憂弗能以文辭鳴又自假於韶

以鳴韶樂名夏之時五子以其歌鳴啓之子太康

人與母待太康於洛水之內怨其伊尹鳴殷周

公鳴周凡載於詩書六藝皆鳴之善者也周之

衰孔子之徒鳴之其聲大而遠莊周謂孔子受

以生鳴而當律言而當法傳曰天將以夫子為

木鐸其弗信矣字有乎論語載儀封人之言孔曰

子制作法度其末也莊周以其荒唐之辭鳴於

楚史記莊子周蒙人也楚莊王迎以為相楚大

國也其云也以屈原鳴見屈原楚大夫被讒臧孫

辰孟軻荀卿以道鳴者也臧孫辰魯大夫臧文仲也前漢志孟子十

一篇篇名軻鄒人子思弟子荀卿子三楊朱墨翟

管夷吾晏嬰老聃申不害韓非齊稷下祭酒到田駢鄒衍

尸佼孫武張儀蘇秦之屬皆以其術鳴張湛注淮南子

曰陽朱字子居戰國時人後於墨子與禽滑釐辯論其說在後已與墨相反前漢志墨子七十

篇名翟為宋大夫在孔子後管子八十六篇名夷吾相齊桓公晏子八篇名嬰謚平仲相齊景

公老子經傳四篇姓李名耳申子六篇名不害河南京縣人相韓昭侯終其身諸侯不敢侵慎

子四十二篇名到先申韓稱之韓子五十五篇名非韓諸公子使素李斯害而殺之田子二十

五篇名駢齊人為昭王師居纓下号天口駢鄒子四十九

二十篇名校魯人秦相商君師之戰死校逃入蜀校音絞孫子兵法八十二篇名武事吳王闔

廬張子十篇名儀蘇子三十秦之興李斯鳴之

史記漢之時司馬遷相如楊雄最其善鳴者也

其下魏晉氏鳴者不及於古然亦未嘗絕也就

其善鳴者其聲清以淳舊本云清以浮辨其節

數以急其辭滛以哀其志弛以肆其為言也亂

雜而無章將天醜其德莫之顧耶何為乎不鳴

其善鳴者也唐之有天下陳子昂蘇源明元結

李白杜甫李觀皆以其所能鳴六子唐史其存

而在下者孟郊東野始以其詩鳴其高出晉魏
不懈而及於古其他浸淫乎漢氏矣從吾游者
李翱張籍其尤也三子者之鳴信善鳴矣抑不
知天將和其聲而使鳴國家之盛耶抑將窮餓
其身思愁其心腸而使自鳴其不幸耶三子者
之命則懸於天矣其在上也奚以喜其在下也
奚以悲東野之役於江南也有若不憚者然作
不憚者然故吾道其命於天者以以一字無解之

送許郢州志雍序

志雍安陸許氏正元九年進士弟仕終
監察御史
補註
公正元十八年上于頔

書至是送志雍其十九年與郢於山南
為屬邑頓時節度使治襄陽書見上
務姑息頓奏達無不開允公歛私輸詩
下益急而慢於奏上公此言益詩所謂
因以箴
之者

愈常以書自通於于公頓頓時為山南東道節度使治襄陽書見上
累數百言其大要也言先達之士得人而託之
則道德彰而名聞流後進之士得人而託之則
事業顯而爵位通下有矜乎能上有矜乎位雖
恒相求而一有喜不相遇于公不以其言為不可
復書曰足下之言是也于公身居方伯之尊蓄
不世之才而能與卑鄙庸陋相應答如影響是

非忠乎君而樂乎善以國家之務為已任者乎
愈雖不敢私其大恩抑不可不謂之知己恒矜而
誦之情已至而事不從小人之所不為也故於
使君之行道刺史之事以為于公贈郢為山南
因以贈于公凡天下之事成於自同而敗於自
異為刺史者恒私於其民不以實應于府為觀
察使者恒急於其賦不以情信乎州唐志開元
二十年分
天下為十五道每道置觀察採訪使以
督察郡縣元元年改曰觀察使是刺史不安其官觀察使不得其政財已竭而
歛不休人已窮而賦愈急其不去為盜也亦幸

矣誠使刺史不私於其民觀察使不急於其賦
刺史曰吾州之民天下之民也惠不可以獨厚
觀察使亦曰某州之民天下之民也歛不可以
獨急如是而政不均令不行者未之有也其前
之言者于公旣已信而行之矣今之言者其有
不信乎縣之於州猶州之於府也有以事乎上
有以臨乎下同則成異則敗者皆然也非使君
之賢其誰能從之愈於使君非燕遊一朝之好
也故其贈行不以頌而以規

送竇平從事序

賈平正元五年進士第通鑑字曰晦天下之二十二年則正元十六年德宗以建中庚申即位是歲辛巳二十二年矣廣州去京師萬里賈平之於趙植岸詞李翱之於楊於陵皆不憚萬里而為之從事古之人重於知已者如此公時居洛故云東都交遊

貽周賈牟字也

踰甌閩而南皆百越之地於天文其次星紀其

星牽牛連山隔其陰鉅海敵一作其陽是維一作

皆島夷卉服之民風氣之殊著自古昔通典曰

越之君亦夏禹之後按甌越禹後少康之庶子所封之地即南越別為一種也或與地志

云東南有二越其義詳矣或曰自交趾至于會稽七八千里百越雜處各有種姓故不得盡云

少種故謂之百越亦揔謂之蠻夷之國以其類非

北禹貢九州之域又非周禮職方之限至秦始
皇遣使置郡取陸梁之地遂平南越置郡此為
南海桂林象郡置南海尉以典之所謂東南一尉
也星紀牽牛井鬼之分野連山隔其陰鉅海蔽
其陽言五嶺據其北大海在其南也海曲謂之
島言居島之夷以卉為服閩音經甌五侯切其
地見送唐之有天下號令之所加無異於遠近
惠師諱唐之有天下號令之所加無異於遠近
民俗既遷風氣亦隨雪霜時降癘役不興瀕海
之饒固加於初瀕水涯也音毗賓切是以人之於南海者
若東西州焉皇帝臨御天下二十有二年德宗正元
十七年也詔工部侍郎趙植為廣州刺史盡收南海
之民唐分十五部此為嶺南道置郡時七十一
縣二百九十四盡管古南越之地治廣州
為南海郡署從事扶風竇平平以文辭進於其行也

其一有族人殿中侍御史牟寶牟字貽周累佐郎度府晚從昭義盧從

史從史度驕牟度不可諫即終病歸東都唐書有傳合東都交遊之能文

者二十有八人賦詩以贈之於是昌黎韓愈嘉

趙南海之能得人壯從事之荅於知己一作我字不

憚行於遠也又樂貽周之愛其族叔父能合文

辭以寵榮之作送竇從事少府平序

上巳日燕太學聽彈琴詩序

韓詩曰鄭國之俗三月上巳於溱洧兩水之上執蘭招魂拂除不祥應劭風俗

通曰已者社也邪疾已去祈介祉也

與衆樂之之謂樂樂而不失其正一作又樂之

尤也四方無鬭爭金革之聲京師之人既庶且
豐天子念致理之艱難樂居安之閑暇肇置三
令節詔公卿群有司至于其日率厥官屬飲酒
以樂唐李泌傳德宗以前世上已九日皆大宴
集而寒食多與上已同時欲以二月名節
自我為古若何而可以請廢正月晦以二月初
為中和節因賜大呂戚里尺謂之裁度民間以
青囊盛百穀瓜果種種相問遺号為獻生子里問
釀宜春酒以祭勾芒神祈豐年百官進農書以
示務本令與上已九日為三令節中外皆賜緡
錢宴會按舊史云正元四年九月詔正月晦日
三月三日九月九日三節日宜令文武百寮選
勝地追賞為樂五年正月詔以二月一日為中
和節代正月晦日備三令節數作此序在貞元
壬午癸未之間公時為四門博士云肇置三令
節謂德宗所以同其休宣其和感其心成其文
明始置爾

者也三月初吉實惟其時司業武公少儀禮記

儀大曆二年第於是摠太學儒官三十有六人列燕于

祭酒之堂罇俎既陳肴羞惟時醖餼序行獻酬

有容歌風雅之古辭斥夷狄之新聲禮明堂謂位曰東夷

之樂曰昧南蠻之樂曰納褒衣危冠愉愉如也有一

儒生魁然其形抱琴而來歷階而外坐于罇俎

之南鼓有虞氏之南風賡之以文王宣父之操

禮記舜作五絃之琴以歌南風事見孟先生詩琴操曰拘幽操文王作將歸猗蘭龜山操並孔

子作事見琴操注國虞氏事見優游夷愉廣

家語文王宣父事見史記厚高明追三代之遺音想舞雩之詠歎論語曾

曰暮春三月春服既成衣單浴之時我欲得冠
者五六人童子六七人浴乎沂水之上風涼於
舞雩之下歌詠先王之道而及暮而退皆充然
歸夫子之門舞雩早祭之所及暮而退皆充然
若有所得也武公於是作歌詩以美之命屬官
咸作之命四門博士昌黎韓愈序之

送齊暉下第序

暉下老切按宰相世系傳齊映之弟後
終京兆府司錄參軍一作暉誤映大曆
五年韓十一^年齊生之兄謂齊映
以宰相世系考之映兄弟六人昭文映
暉昭映暉而登科記無暉焉抑改名暉
或昀也若暉之舉進士連不得志於有
司豈所謂公無私也
哉蓋亦失之矯尔

古之所謂公無私者其取捨進退無擇於親疎

遠邇惟其且可焉其下之親上也亦唯視其舉

黜之當否不以親疎遠邇疑乎其上也之人故也

故一無下上之人行志擇誼坦乎其無憂於下

也下之人尅已慎行確乎其無惑於上也是故

爲君不勞而爲臣甚易見一善焉可得詳而無

而舉也見一不善焉可得明而一無去也及道

之衰上下交疑於是乎舉讎舉子之事載之傳

中而稱美之謂之忠左傳晉大夫祁奚請老晉

將立之而卒又問焉對曰午也可於是羊舌肸

死矣晉侯曰孰可以代之對曰赤也可於是使

善矣稱讎不爲誼立子不爲此舉倡不爲黨

見一善焉若親與邇不敢舉也見一不善焉若
疏與遠不敢去也衆人之所同好焉矯而黜之
乃公也衆人之所同惡焉激而舉之乃忠也於
是乎有違心之行有拂志之言有內媿之名若
是者俗所謂良有司也庸受之訐不行於君巧
言之誣不起於人矣嗚呼今之君天下者不亦
勞乎爲有司者不亦難乎爲人向道者不亦勤
乎是故端居而念焉非君人者之過也則曰有
司焉則非有司之過也則曰今舉天下人焉則
非今舉天下人之過也蓋其漸有因其本有根

生於私其親成於私其身以已之不直而謂人

皆然其植之也固久其除之也實難非百年必

世不可得而化也非知命不惑不可得而改也

已矣乎其終能復古乎若高陽齊生者其起予

者乎齊生之兄為時名相出藩于鎮鎮字無南朝

之碩臣皆其舊交齊映為相明年為張延賞所劾

江蘇齊生舉進士有司用

是連枉齊生在或作在齊生

不以云乃曰我之未至也有司豈枉在我哉

我將利吾器而俟其時耳抱負其業東歸於家

吾觀於人有不得志則非其上者衆矣

孟子梁惠三

之亦莫計其身之短長也若齊生者既不得志矣而曰我未至也不以閔於有司閔責也其不亦鮮乎哉吾用是知齊生後日誠良有司也能復古者也公無私者也知命不惑者也

送陳密序

補註唐制取士有三禮科

太學生陳密請於余曰密承訓於先生今將歸覲其親不得朝夕見願先生賜之言密將以爲戒密來太學舉明經者累年不獲其選是弗利

於是科也今將易其業而三禮是習

唐選舉志有三禮科

願先生之張之也密將以為鄉榮余媿乎其言

遺之言曰

遺贈也以辭切

子之業信習矣其儀容信合

於禮矣抑吾所見者外也夫外不足以信內子

誦其文則思其義習其儀則行其道則將謂子

君子也爵祿之來也不可辭矣科寧有利不利

邪

送李愿歸盤谷序

按石刻其後跋云隴西李愿隱者也

干咎以求進每韜光而自晦跡寄人世

心達清虛樂仁知於山水之間信古今

一嗟也昌黎韓愈知名之士高愿之賢

故序而送之于時縣大夫傅陵崔決拔
其文稽其義是用命工勒石于盤谷之
西因以崔其不朽云唐貞元十七年崇
在辛巳建丑月渤海高從士跋按歐陽
集古錄云盤谷在孟州濟源縣正元中
縣令刻石于其側令姓崔其名決今已
磨滅其後書云昌黎韓愈知名士也當
時退之官尚未顯其道未為當世所宗
師故但云知名士然當時送愿者為不
少而獨刻此序蓋其文章已重於時以
余家集本校之或小不同疑刻石誤集
本已大行刻石乃當時物存之以為佳
翫爾其小
大不足數

太行之陽有盤谷盤谷之間泉甘而土肥草木
叢茂居民鮮少或曰謂其環兩山之間故曰盤
或曰是谷也宅幽而勢阻隱者之所盤旋友人

李愿居之愿之言曰以假愿之言人之稱大丈夫

者我知之矣利澤施於人名聲昭于時坐于朝

朝進退百官而佐天子出令其在外則樹旗旌

羅弓矢武夫前呵從者塞塗供給之人各執其

物夾道而疾馳喜有賞怒有刑才俊石本作峻蒲前

道古今而譽盛德入耳而不煩曲眉豐頰清聲

而便體便捷也音秀外而惠中飄輕裾翳長袖

粉白黛綠者列屋而閑居黛綠眉飾也音符載切戰國策曰鄭之美

女粉白黛黑而立於妬寵而負恃爭妍而取憐

大丈夫之遇知於主上石本作天子用力於當世者

之所為也吾非惡此而逃之是有命焉不可幸

而致也窮居而野處外高而遠望坐茂樹以終

日濯清泉以自潔採於山美可茹釣於水鮮可

食起居無時惟適之安古本作所安與其譽一作有譽於

前孰若無毀於其後與其樂一作有樂於身孰若無

憂於其心車服不維刀鋸不加理亂不知黜陟

不聞大丈夫不遇於時者之所為也我則行之

伺候於公卿之門奔走於形勢之塗足將進而

趑趄趙起行不進也上七切又七切口將言

而囁嚅朱切楚辭喜囁嚅而妄作處江穢

而不羞觸刑辟而誅戮僥倖於萬一老死而後

止者其於為人賢不肖何如也昌黎韓愈聞其

言而壯之與之酒而為之歌曰盤之中維子之

宮盤之土維子之稼周禮遂人少土宜穀也稼

稼可盤之泉可濯可湘湘水也見詩采蘋注石

而非盤之阻誰爭子所窈而深廓其有容繚而

曲如往而復嗟盤之樂兮樂且無殃石本李虎豹

遠跡兮蛟龍遁藏鬼神守護兮呵禁不祥飲則

食兮壽而康無不足兮奚所望賦方膏吾車兮

秣吾馬從子手盤兮終吾生以徜徉傳雅曰徜徉戲蕩也

小音辰羊下音余章切夷堅志云孟州濟源縣
有韓文公送李愿歸盤谷序碑元和縣令崔
泚所立歲月既久碑湮沒為民井甃政和三年
縣尉宋肇巡警至其地洗濯視之曰此至寶也
村民愚以為真寶匿焉伺宋去碑之無所復
弃于道上高密人孟溫舒為令聞之昇歸寵于
出治堂出治堂者元祐中宰相傳亮俞所建秦少
游作記且書之補註蘇文忠公嘗曰六一嘗謂
晉無文章惟淵明歸去來而已平亦謂唐無文
章惟韓退之送李愿盤谷序而已平生欲效此
作一篇每執筆輒罷因自笑曰不知且放退之
獨步江左締繪以為工謂無文章則可唐正元
元和間作若輩出曰無文章可乎意者獨此隱
居之文尔然公與淵明出處不同淵明隱者也
其辭出於自然蓋所謂躬作之者正元十七年
公始三十四時方脫汴州之亂來居於洛方且
來官京師鬱乎中而
見於外故其辭如此

新刊經進詳補註昌黎先生文卷第十九